

# ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ԸՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: [prelacy@armenianprelacykw.org](mailto:prelacy@armenianprelacykw.org)

ՆՈՐ ՇՐՋԱՆ, Ժ. Տարի, Թիւ 459, Ուրբաթ, 19 ՅՈԿՏԵՄԲԵՐ, 2018

ՀԱՄԱՅՆՔԱՅԻՆ

## ԱՆԹԻԼԻԱՍԻ ՊԱՀԱՆՁԱՏԷՐ ԴՕՂԱՆՁԸ, ՁԱՅՆ ԿԵԱՆՔԻ ՈՒ ՅԱՐՈՒԹԵԱՆ

Մեծի Տանն Կիլիկիոյ Կաթողիկոսութեան Ս. Գրիգոր Լուսաւորիչ Մայր Տաճարի աւետաբեր ղօղանջներուն ներքոյ, շրջապատուած զինուորագրեալ իր միաբաններով ու ժողովուրդով, յառաջիկայ Կիրակի 21 Հոկտեմբերին, քահանայական օժման յիսնամեակի բերկրալի օրը Մեծի Տանն Կիլիկիոյ Գահակալ Ն.Ս.Օ.Տ.Տ. Արամ Ա. Կաթողիկոս պիտի նշէ Սուրբ եւ Անմահ Պատարագով, Աստուծոյ փառք եւ գոհութիւն յայտնելու յիսուն երկար տարիներու ընթացքին իր արձանագրած բազում-բազում իրագործումներուն համար, որոնց դիմաց հիացմունքով կը խոնարհիւք այսօր:



Իրագործումներու շարքը կ'երկարի. Աստուծոյ Սուրբ սեղանին սպասարկումէն, Աստուծոյ Բանին քարոզութենէն մինչեւ ազգային մեր բեմերը եւ միջազգային բեմահարթակները՝ արդարութեան ու պահանջատիրութեան ձայնը հնչեցնելու իր եզակի կարողութեամբ: Յիսուն տարի շարունակ Վեհափառ Հայրապետը, բառին ամբողջական իմաստով, եղաւ Հոգեւոր Առաջնորդ, որ ծառայեց Հայաստանեայց Առաքելական Եկեղեցւոյն, հայ ազգին եւ Հայաստանին: Ան եղաւ մեր հոգեւոր, մշակութային եւ ազգային ժառանգութիւններուն հաւատարիմ պահապանը, պահանջատիրութեան ջահակիրը, որուն հերոսական առաքելութիւնը, հաւատքի խոստովանութիւնը եւ ազգաշէն ծառայութիւնը չնուաղեցաւ:

Վեհափա՛ռ Տէր,

Մեր Սուրբ Աթոռը Ձեր ղեկավարութեամբ եղաւ ռահվիրան մեր արդար դատին ու պահանջատիրութեան: Ու թէպէտ Պատմական Միսի ղօղանջները լրած են, բայց անոնց արձագանգը մեզի կը հասնի շնորհիւ Մեծի Տանն Կիլիկիոյ Կաթողիկոսութեան Անթիլիասի Մայրավանքին յաղթական ղօղանջներուն, որոնք այսօր առաւել՝ եւս կը յուզեն մեր սրտերը՝ Ձերդ Սրբութեան ծառայութեան յիսնամեակի աւետումը բերելով մեզի:

Առաքելաշառի՛ղ գահակալ, մեր ազգի նուիրական իղձերն ու երագները մարմնաւորող քա՛ջ նահապետ, որպէս Հոգեւորական Ձեր ճանապարհին սկիզբը Սաղմոսերգոյին բառերը կրկնելով խնդրած էիք Տիրոջմէն, որ ցոյց տայ Ձեզի այն ճանապարհը, ուրկէ պէտք է ընթանաք: Աստուած ճանապարհը ցոյց տուաւ Ձեզի եւ ամբողջ յիսուն տարի Դուք անձնուիրաբար գալեցիք այդ ճանապարհէն եւ Ձեր միաբանական կեանքի օրերը, գահակալութեան տարիները արժեւորեցիք իրականացնելով մեր հոգեւոր ու ազգային երագները, Հայրենիքի՝ Հայաստանի ու Արցախի փառքին եւ հայ ժողովուրդի բարգաւաճման ի խնդիր:

Այսօր, որդիաբար կանգնելով Ձերդ Սրբութեան յիսուն տարիներու փորձառութեան գանձարանին առջեւ, կը տեսնենք հոգեւոր եւ ազգային արժէքներու օրինակելի դաստիարակը, անձուէր ուսուցիչը, ժիր մտաւորականը, հմուտ քարոզիչը, ազգի իրաւունքներուն մեծագոյն պահանջատէրը, անխոնջ պայքարողը, միջ-եկեղեցական յարաբերութիւններու ծիրէն ներս անգուգական հեղինակութիւնը, բայց մանաւանդ՝ բազմահազար հայորդիներու սիրելի Հայրապետը:

Այս իւրայատուկ առիթով, սրտի անհուն ցնծութեամբ կու գանք շնորհաւորել Ձերդ Սրբութիւնը, ինչպէս նաեւ Մեծի Տանն Կիլիկիոյ Կաթողիկոսութեան մեծ ընտանիքը՝ իր միաբաններով եւ սաներով, աղօթելով առ Բարձրեալն Աստուած, որ անսասան պահէ մեր Սուրբ Աթոռը եւ Ձերդ Սրբութեան պարգեւէ քաջառողջութիւն, արեւշատութիւն, անսպառ կորով եւ երկարամեայ երջանիկ գահակալութիւն:

**Մասիս Եպս. Զօպուեան**  
**Առաջնորդ Քուէթի և Շրջակայից Թեմին**

## **ԹԱՐԳՄԱՆՉԱՑ ՏՕՆ**

Անցնող օրերուն, Ք.Ա.Վարժարանի աշակերտները իրենց հայրենաւանդ ուսուցիչներու հսկողութեամբ պատի թերթերով ու մագաղաթներով տեղեկութիւններ հաւաքագրեցին Թարգմանչաց Վարդապետներու կեանքին եւ գործունէութեան շուրջ, ինչպէս նաեւ մեր ոսկեղնիկ լեզուին ու թարգմանիչներուն նուիրուած երգեր ու արտասանութիւններ սորվեցան:



Իսկ Կիրակի, 14 Հոկտեմբեր 2018ին, առաւօտեան հաւաքի ընթացքին, Վարժարանիս երկրորդականի հայրենաւանդ ուսուցիչ՝ Պրն. Ճորճ Արապաթլեան համապարփակ ձեւով ներկայացուց, Թարգմանչաց արժէքն ու դերը, հայ լեզուի ու գրականութեան զարգացման գործընթացին մէջ ըսելով.- «Թարգմանչացը մեր ազգային եւ եկեղեցական մեծագոյն տօնն է: Առանց Թարգմանիչ վարդապետներուն՝ մենք ոչ միայն պիտի չունենայինք այբուբեն, այլեւ պիտի կորսնցնէինք մեր լեզուն ու չկարենայինք պահպանել մեր ազգը: Արդ, մեր պարտքն է այսօր՝ ճարտարագիտութեան զարգացման այս դարուն, առաւել եւս կառչած մնալ մեր լեզուին ու տառերուն, հեռու մնալ անգլիատառ հայերէն գործածելէ եւ լաւապէս սորվիլ մեր մայրենի լեզուն»:

**ՀԱՅԿԱԿԱՆ**

## **22 Հոկտեմբերին Պիտի Գումարուի Ազգային Ժողովի Արտահերթ Նիստ**



Հայաստանի Հանրապետության կառավարության նախաձեռնությամբ 22 Հոկտեմբերին պիտի գումարուի Ազգային Ժողովի արտահերթ նիստ:

Նիստի ընթացքին պիտի քննարկուին Ընտրական օրենսգիրքի բարեփոխումներու, ինչպէս նաեւ հանրաքուէի մասին սահմանադրական օրէնքին մէջ փոփոխութիւններ կատարելու հարցերը:

16 Հոկտեմբերին Կառավարութիւնը Ազգային ժողովին առաջարկեց 22 Հոկտեմբերին արտահերթ նիստ գումարել՝ Ընտրական օրենսգիրքի բարեփոխումներու ծրարը քննարկելու հարցով: Նոյն օրը կառավարութիւնը համաձայնութիւն տուաւ Ընտրական օրենսգիրքի բարեփոխումներու ծրարին:

Հիմնական զեկուցող արդարադատութեան նախարար Արտակ Զէյնալեան նշեց, որ ծրարին կարեւորագոյն նպատակը Հայաստանի մէջ ժողովրդավարական ընտրական հաստատութեան կայացումն է:

## **Տեղի Ունեցած Է Նախագահ Արմէն Սարգսեանի Եւ Նիկոլ Փաշինեանի Հանդիպումը**

Հայաստանի Հանրապետության նախագահի նստավայրին մէջ տեղի ունեցած է նախագահ Արմէն Սարգսեանի եւ Հայաստանի Հանրապետության վարչապետի պաշտօնակատար Նիկոլ Փաշինեանի հանդիպումը: Այս մասին կը տեղեկացնէ վարչապետի պաշտօնակատար Նիկոլ Փաշինեանի մամլոյ բանբեր Արման Եղոյեան:



Վարչապետի պաշտօնակատար Նիկոլ Փաշինեան շնորհակալութիւն յայտնած է նախագահին եւ անդրադարձած ընթացիկ քաղաքական իրավիճակին, սպասուող զարգացումներուն:

Նախագահ Արմէն Սարգսեան վստահութիւն յայտնած է, որ կառավարութիւնը կարելի բոլոր միջոցները եւ անհրաժեշտ գործունէութիւնը պիտի ծաւալէ, որպէսզի ամբողջ ընթացքը՝ եւ յառաջիկայ 14 օրը, եւ ապագայ ընտրութիւնները տեղի ունենան օրէնքի եւ օրինականութեան սահմաններուն մէջ, որովհետեւ ասիկա կը բխի ամբողջ ժողովուրդի շահերէն:

## Ըստ Արմեն Ռուստամեանի. Գործող Ընտրական Օրենսգիրքին Հետ Բաղդատելով՝ Առաջարկուող Ծրարին Մեջ Դրական Փոփոխություններ Կան



Հայաստանի Ազգային ժողովի Հայ յեղափոխական դաշնակցություն խմբակցությունը գործող Ընտրական օրենսգիրքի առաջարկուող տարբերակին մեջ դրական փոփոխություններ կը տեսնե՝ գործող օրենսգիրքին հետ բաղդատած:

Առաջին փոխվարչապետ Արարատ Միրզոյեանի, Հայաստանի արդարադատության նախարար Արտակ Զեյնալեանի եւ Դանիել Իոաննիսեանի՝ ՀՅԴ խմբակցության ներկայացուցիչներուն հետ Ազգային

ժողովին մեջ կայացած քննարկումներէն ետք լրագրողներուն հետ զրոյցի ընթացքին այս մասին յայտարարած է խմբակցութեան ղեկավար Արմեն Ռուստամեան:

«Հանդիպումը օգտակար էր: Մենք նախապէս քննարկում կատարած էինք եւ ներկայացուցած մեր մօտեցումները: Ներկայացուցիք երեք առաջարկ: Անոնց մերժումը ունէր մէկ բացատրութիւն՝ մինչեւ դեկտեմբեր չենք հասնիր զանոնք կատարել, ժամկետները սեղմ են», ըսած է Ռուստամեան եւ աւելցուցած, թէ ճիշդ ատոր համար է, որ դէմ են խորհրդարանական ընտրութիւններուն դեկտեմբերին կայացման:

Իրենց առաջարկներէն մէկը կը վերաբերէր բաց կամ փակ ցանկերուն: Առաջարկած են ընտրութիւններուն իբրեւ արդիւնք կուսակցութիւններու խորհրդարան մուտքի քուէներուն շէմը նուազեցնել: Առաջարկած են նաեւ տարբերակ, որուն միջոցով ընտրութիւններուն ատեն պիտի արձանագրուէին ո՛չ միայն կեղծիքները, այլ նաեւ անոնց ծաւալը, ինչ որ թոյլ պիտի տար դատարանին մեջ վիճարկել ընտրութիւններուն արդիւնքները:

«Այնուամենայնիւ, առաջարկուած որեւէ քայլ մենք միշտ ալ ողջունած ենք: Մենք կը կարծենք, թէ Ընտրական օրենսգիրքի փոփոխութիւնը, դրական որեւէ յառաջընթաց մենք պետք է ողջունենք: Օրինակ՝ կայ վարկանշային կարգէն հրաժարում, անցողիկ շէմի նուազեցում: Համեմատած գործող Ընտրական օրենսգիրքին՝ առաջարկուող ծրարին մեջ դրական փոփոխութիւններ առկայ են», նշած է խմբակցութեան ղեկավարը:

Կողմ կամ դէմ քուէարկելու համար Դաշնակցութիւնը իր քննարկումը պիտի կատարէ երկուշաբթի ու պիտի յայտարարէ այդ մասին:

Ան յոյս յայտնած է, որ իրենց երեք առաջարկները նորէն քննութեան առարկայ պիտի դարձնեն: Ռուստամեան կրկին շեշտած է, որ կառավարութիւնը անոնք չ'ընդունիր ոչ թէ մերժելու, այլ ժամկետներու մեջ չտեղաւորուելու տրամաբանութեամբ՝ աւելցնելով, որ ատոր համար ալ խորհրդարանական ընտրութիւններուն դեկտեմբերին կայացումը հապճեպ կը նկատուի:

## Յարութ Շիրինեան. «Չենք Կրնար Խաղաղութիւն Ստանալ՝ Հողերու Վերադարձին Մասին Խօսելով»

ՀՅԴ Եւրոպայի Հայ դատի յանձնախումբի հաղորդակցութեան եւ հանրութեան հետ կապերու պատասխանատու Յարութ Շիրինեան, անդրադառնալով Հայաստանի մէջ Միացեալ Նահանգներու դեսպան Ռիչըրտ Միլզի՝ «գրաւեալ տարածքները» վերադարձնելու վերաբերեալ քանի մը օր առաջ կատարած յայտարարութեան, ըսած է. «Միլզի յայտարարութիւնը խիստ դատապարտելի է, աւելին՝ քաղաքական կոպիտ սխալ է»:



Ըստ Շիրինեանին, դեսպանին յայտարարութեան մէջ կան անընդունելի եւ զարմանալի երեւոյթներ. «առաջինը անոր օգտագործած եզրաբանութիւնն է: Ան կը խօսի «գրաւեալ տարածքներու» մասին, մինչդէռ ԵԱՀԿ-ի Մինսքի խմբակի համանախագահ երկիրներուն կողմէ, համախոհութեամբ, որեւէ ժամանակ չէ օգտագործուած այդ եզրը. «գրաւեալ տարածքներ» արտայայտութիւն չկայ, ինչպէս նաեւ չկայ որեւէ խօսք զանոնք վերադարձնելու մասին: Աւելին, նոյնիսկ ԵԱՀԿ-ի Մինսքի խմբակին առաջարկած Մատրիտեան սկզբունքներուն մէջ որեւէ ժամանակ չէ գրուած, այսպէս կոչուած, «գրաւեալ տարածքներու» մասին», յայտնած է Շիրինեան՝ աւելցնելով, որ Հայ դատի յանձնախումբին կողմէ քննադատուած այդ փաստաթուղթին մէջ կը խօսուի Լեռնային Ղարաբաղի շուրջ գտնուող տարածքներու մասին: «Եզրաբանութեան յստակ խնդիր կայ», պարզաբանած է Շիրինեան:

Յարութ Շիրինեան դեսպանին յայտարարութիւնը խիստ դատապարտելի եւ քաղաքական կոպիտ սխալ նկատած է՝ ո՛չ միայն ԵԱՀԿ-ի Մինսքի խմբակի համանախագահներուն հանդէպ, ո՛չ միայն Արցախի ժողովուրդին ձեռք բերած յաղթանակին կամ անոր ազատ ինքնորոշման իրաւունքի սկզբունքին հանդէպ, այլեւ կոպիտ սխալ նոյնիսկ սեփական կառավարութեան հանդէպ: «Ինչ ալ ըլլայ անոր անձնական կարծիքը, խօսելու ատեն ան կը ներկայացնէ Միացեալ Նահանգներու կառավարութեան կեցուածքը, որովհետեւ այդ երկրին դեսպանն է Հայաստանի մէջ: Իր այս յայտարարութեամբ ան կը խախտէ այն համախոհութիւնը, որ այսօր կայ ԵԱՀԿ-ի Մինսքի երեք համանախագահ երկիրներուն մէջ», նշած է Շիրինեան:

Ան շեշտած է, որ Միացեալ Նահանգներ պէտք է պաշտօնական յայտարարութեամբ հանդէս գան, որ դեսպան Միլզի յայտարարութիւնը անոր անձնական կարծիքն է, ոչ թէ պաշտօնական Միացեալ Նահանգներու դիրքորոշումը այս նիւթին շուրջ:

Ըստ անոր, այսօր ԵԱՀԿ-ի Մինսքի խմբակի համանախագահ բոլոր երկիրները կը ջանան հարցին խաղաղ հանգուցալուծում տալ Հելսինքեան փաստաթուղթէն բխած երեք կէտերու հիմամբ: Շիրինեան վերահաստատած է, որ այսօր հայկական կողմը բանակցելու բան չունի հող կամ տարածք զիջելու մասին: «Մեր առաջնահերթութիւնը յստակ է՝ ինչպէ՞ս ներգրաւել Արցախի ժողովուրդը, Արցախի պետութիւնը, Արցախի իշխանութիւնները բանակցութիւններուն մէջ: Ի վերջոյ, այդ տարածքին մէջ ապրող ժողովուրդն է, որ պիտի որոշէ իր ապագան, եւ անոր ձայնն ու կարծիքները պէտք է լսելի ու հասանելի ըլլան», եզրափակած է Շիրինեան:

## ՄԻՋԱԶԳԱՅԻՆ

# Միացեալ Նահանգներ Պատժամիջոցներ Հաստատած Են Իրանեան Քսան Ընկերութիւններու Եւ Դրամատուներու Դէմ

Միացեալ Նահանգներ ընդլայնած են Իրանի դէմ հաստատուած պատժամիջոցներու ցանկը: «Ռաշա Թուտէ» կը հաղորդէ, որ այս մասին կը վկայեն Միացեալ Նահանգներու ելեւմուտքի նախարարութեան կայքին վրայ հրապարակուած տուեալները:

Նոր պատժամիջոցներ հաստատուած են քսան ընկերութիւններու եւ դրամատուներու դէմ, որոնք, ըստ ամերիկեան կողմին, ելեւմտական աջակցութիւն կը տրամադրեն «Պասիժ» կիսառազմական կազմակերպութեան, որ մաս կը կազմէ Իրանի Յեղափոխական պահակազունդին:

Իրանի Կեդրոնական դրամատան ղեկավար Ապտոլնասեր Հեմաթի նախապէս յայտարարած էր, թէ ամերիկեան նոր պատժամիջոցները առանձնաբար ազդեցութիւն չունին Թեհրանի քարիւղային գործունէութեան եւ ելեւմտական համակարգին վրայ:

## Փոմփէօ Անգարայի Մէջ Հանդիպում Ունեցաւ Էրտողանի Հետ

Միացեալ Նահանգներու արտաքին գործոց նախարար Մայք Փոմփէօ Սեուտական Արաբիա կատարած իր այցելութենէն ետք ուղղուեցաւ Թուրքիա, ուր հանդիպում ունեցաւ Թուրքիոյ նախագահ Ռեճեփ Թայիփ Էրտողանի հետ: Հանդիպումը տեղի ունեցաւ «Էսենպողա» միջազգային օդակայանին մէջ՝ Էրտողանի Մոլտովա մեկնելէն առաջ:

Անգարայի մէջ 35 վայրկեան տեւած հանդիպումին ներկայ էին նաեւ Թուրքիոյ արտաքին գործոց նախարար Մելուօ Չաուշօղլու, Թրքական գաղտնի սպասարկութեան՝ ՄԻԹ-ի ղեկավար Հաքան Ֆիտան, Էրտողանի բանբեր Իպրահիմ Քալըն եւ Սուրիոյ հարցով Միացեալ Նահանգներու յատուկ պատուիրակ Ճէյմս Ճեֆրի:

Չաուշօղլու հանդիպումէն ետք յայտնեց, որ Փոմփէոյի հետ հանդիպումը «օգտակար եւ արդիւնաւէտ էր, եւ ան մեզի յայտնեց, թէ սեուտցիներուն յանձնած է Միացեալ Նահանգներու նախագահ Տանըլտ Թրամփի նամակը, ինչպէս նաեւ անոր մտահոգութիւնը»:

Ան յայտնեց, որ երեքշաբթի օր Պոլսոյ մէջ Սեուտական Արաբիոյ հիւպատոսին բնակարանը՝ «անոր ընտանիքին այդտեղ գտնուելուն պատրուակով», չէ խուզարկուած:

Թրքական դիւանագիտութեան պետը նաեւ յայտնեց. «Ամերիկեան կողմին հետ փոխադարձ հասկացողութիւններ ունինք ո՛չ միայն Մընպեթի, այլ նաեւ Եփրատի արեւելեան ափին վերաբերեալ»:

Փոմփեո Սէուտական Արաբիոյ մէջ հանդիպում ունեցած էր Սալման պըն Ապտել Ազիզ թագաւորին ու գահաժառանգ Սոհամետ պըն Սալման իշխանին հետ եւ անոնց հետ քննարկած սէուտցի ընդդիմադիր լրագրող Ժամալ Խաշոկճիի՝ 2 Հոկտեմբերին Պոլսոյ մէջ սէուտական հիւպատոսարան մուտք գործելէն ետք անհետանալու հարցը:

Փոմփեո յայտնեց, որ սէուտական ղեկավարութիւնը խոստացած է «թափանցիկ հետաքննութիւն» կատարել եւ ոչ ոք խնայել, ներառեալ՝ արքայական տոհմի անդամները:

Նախագահ Թրամփ աւելի ուշ «Թուիթթըր»-ի վրայ գրեց, որ հեռաձայնային հաղորդակցութիւն մը ունեցած է Սէուտական Արաբիոյ գահաժառանգին հետ եւ իշխանը նշած է, որ ինք որեւէ տեղեկութիւն չունի լրագրողի դէպքին վերաբերեալ եւ հերքած է միջադէպին իր մեղսակցութեան վարկածները:

«Եթէ հաստատուի, որ Սէուտական Արաբիոյ թագաւորը կամ գահաժառանգը տեղեակ են Խաշոկճիի հետ տեղի ունեցածէն, ապա ասիկա վատ պիտի ըլլայ», գրեց Թրամփ:

Նշենք, որ «Էսոշիէյթըտ Փրես» Չորեքշաբթի օր հաղորդեց, որ ըստ բարձրաստիճան պաշտօնատարի մը, թուրք մասնագէտները Պոլսոյ մէջ սէուտական հիւպատոսարանի խուզարկման ընթացքին Խաշոկճիի սպանութեան յստակ ապացոյց գտած են:

## **Խրիմի Մէջ Ական Սը Պայթեցաւ**

Խրիմի Քերչ քաղաքի քոլեճին մէջ ականի մը պայթումին պատճառով արձանագրուեցան 13 զոհեր եւ շուրջ 50 վիրաւորներ, որոնցմէ 20-ը հիւանդանոց տեղափոխուեցան:

Ռուսիոյ նախագահի բանբեր Տմիթրի Փետրով յայտնեց, որ տեղի ունեցած պայթումին հարցով կը քննուի ահաբեկչութեան վարկածը:

«Նախագահին Քերչի մէջ տեղի ունեցածին մասին զեկուցած են տարբեր ծառայութիւններ: Չոհերու եւ վիրաւորներու վերաբերեալ տուեալները մշտապէս կը ճշդուին», ըսաւ ան:

Փետրով նաեւ նշեց, որ Ռուսիոյ նախագահ Վլատիմիր Փութին ցաւակցութիւն յայտնած է զոհերու հարազատներուն եւ մերձաւորներուն:

Ռուսիոյ քննչական կոմիտէն աւելի ուշ Խրիմի Քերչ քաղաքի քոլեճին մէջ տեղի ունեցած պայթումը նկատեց ահաբեկչութիւն:

## **Թրքական Ուղղափառ Եկեղեցւոյ Պատրիարքը Դատ Բացած Է Կոստանդնուպոլսոյ Պատրիարքարանին Դէմ**

Թրքական ուղղափառ եկեղեցւոյ պատրիարքարանը դիմած է Պոլսոյ դատախազութիւն՝ պահանջելով քրեական գործ յարուցել Կոստանդնուպոլսոյ պատրիարքարանին դէմ: Այս մասին

կը հաղորդէ «Իսթանպուլկերչէկի» կայքը՝ վկայակոչելով եկեղեցոյ բանբեր Սեւկի Էրեներոլը, որ նաեւ պատրիարքին դուստրն է:

Թուրք ուղղափառները կը մեղադրեն յունական պատրիարքարանը իր լիազօրութիւններէն դուրս գործողութիւններու եւ Լոզանի դաշինքի խախտումին յանցանքով:


Ըստ Էրեներոլի, Կոստանդնուպոլսոյ պատրիարքարանին գործողութիւնները կրնան դառնալ շրջանի երկիրներուն, մասնաւորաբար Ռուսիոյ եւ Ուքրանիոյ միջեւ թշնամանքի եւ տագնապներու պատճառ:

Երուսաղէմի յոյն ուղղափառ Թեոտոսիոս արքեպիսկոպոսը նախապէս բոլոր եկեղեցիներուն կոչ ուղղած էր՝ անյապաղ միջամտելու Մոսկուայի եւ Կոստանդնուպոլսոյ պատրիարքութիւններուն միջեւ վիճաբանութեան, որ, ըստ անոր, յղի է ուղղափառ աշխարհին համար աղէտի վտանգով:

## Ռուս Ուղղափառ Եկեղեցին Խզեց Հաղորդակցութիւնը Կոստանդնուպոլսոյ Ուղղափառ Եկեղեցոյ Հետ

Ռուսիոյ ուղղափառ եկեղեցին ամբողջութեամբ խզած է միջեկեղեցական հաղորդակցութիւնը Կոստանդնուպոլսոյ յոյն ուղղափառ եկեղեցոյ հետ: Այս մասին կը հաղորդէ «Ազատութիւն» ձայնասփիւռի կայանը:

Այս քայլը ռուսական եկեղեցոյ պատասխանն էր Կոստանդնուպոլսոյ հոգեւոր ղեկավարներուն, որոնք ընդառաջելով Քիւեի խնդրանքին, օրեր առաջ ջնջած էին 1686 թուականի որոշումը, որով Քիւեի թեմը յանձնուած էր Մոսկուայի պատրիարքութեան:



Յաջորդ քայլով Կոստանդնուպոլսոյ ուղղափառ եկեղեցին կրնայ անկախութիւն տալ Ուքրանիոյ ուղղափառ եկեղեցոյ, ինչ որ խիստ քննադատութեան կ'արժանանայ Ռուսիոյ հոգեւոր ու քաղաքական գործիչներուն կողմէ:

Հարցը նոյնիսկ քննարկուած է Ռուսիոյ Անվտանգութեան խորհուրդին մէջ: Արտաքին գործոց նախարար Մերկել Լաւրով յայտնած է, որ ուքրանական եկեղեցոյ անկախութիւն շնորհելու նախաձեռնութիւնը սադրանք է, որ կը հովանաւորուի Միացեալ Նահանգներու կողմէ:

Միւս կողմէ, Ուքրանիոյ նախագահի բանբերը Չորեքշաբթի օր յայտնեց, որ նախագահ Փորոշենքօ մտադիր է մօտ օրէն խորհրդարանին ներկայացնել օրինագիծ մը, որուն համաձայն, Քիւեի մէջ Ս. Անդրէաս եկեղեցոյ կալուածը պիտի խլուի ռուս ուղղափառ եկեղեցիէն եւ յանձնուի Կոստանդնուպոլսոյ յոյն ուղղափառ եկեղեցոյ՝ «իբրեւ մայր եկեղեցոյ միութեան խորհրդանշական քայլ»:



ԱԿՆԱԼԿ

## Ուաշինգթոնի Հետևողական Պահուածքը Խնդրոյ Առարկայ Է

Հայաստանի Հանրապետութեան մէջ Միացեալ Նահանգներու դեսպանին կատարած յայտարարութիւնը թէ՛ պատմական եւ թէ՛ քաղաքական ու իրաւական տուեալներով կարելի է հակափաստարկել: Բնականաբար նաեւ շատ համոզիչ ձեւերով պարզել, թէ ինչո՞ւ այդ մասին քննարկումներ չկան հայկական դաշտին մէջ, երբ յատկապէս ի սպառ կը բացակային քննարկումները Պաքուի մէջ անցեալին վերադարձը բացառելու եւ Արցախի ժողովուրդի կամարտայայտութեան փաստին հետ հաշուի նստելու: Որուն համար զարմանք չի յայտներ



ամերիկացի դիւանագէտը:

Այժմ առանց իրաւաքաղաքական կամ պատմաքաղաքական հակափաստարկներու վրայ կեդրոնանալու, նկատենք, որ ամերիկացի դիւանագէտը նման տեսութիւն կը ներկայացնէ իր պաշտօնաթողութեան առիթով: Դեսպան Միլզ բաւական ժամանակ ունէր իր պաշտօնավարութեան ժամանակ իր համոզումով այդ անխուսափելիութեան մասին խօսելու:

Ամերիկացի պաշտօնաթող դիւանագէտը հիմնականին մէջ հակասութիւն ունի իր գերատեսչութեան՝ պաշտօնական Ուաշինգթոնի հետ ընդհանրապէս:

Ամերիկացի դեսպանը կը ներկայացնէ պետութիւն մը, որ ներգրաւուած է արցախեան հակամարտութեան խաղաղ բանակցութիւններու ճամբով լուծման համար միջնորդական առաքելութեան միջազգայնօրէն ընդունուած եւ հաստատուած ձեւաչափին մէջ, իբրեւ համանախագահող պետութիւն: Ուրեմն յատկապէս ռուս, ֆրանսացի եւ ամերիկացի բարձրաստիճան պաշտօնատարները արցախեան հակամարտութեան մասին խօսելու

ընթացքին դիւանագիտական խախտում պէտք չէ կատարեն իրենց ներկայացուցած երկրին օգտագործած բառապաշարէն, եզրաբանութենէն, հարցերու մօտեցման եղանակէն, ըսելաձեւերէն: Ծայրագոյն նրբութիւն կը ցուցաբերեն արհեստավարժ դիւանագէտները նման զգայուն խնդիրներու պարագային շեշտադրումներու, ներկայացուած հայեցակարգերու կէտերու առաջնահերթութիւններու առումով՝ պահելու համար ներդաշնակութիւնը ո՛չ միայն իրենց պետութեան պաշտօնական տեսակէտներուն, այլ նաեւ այս պարագային համանախագահութիւնը ստանձնած միւս երկիրներուն:

Իսկ այս առումներով օրինաչափ եւ ոչ անպայման իրաւաչափ պիտի նկատուէր, եթէ դեսպան Միլզը խօսէր ոչ թէ «տարածքներ խաղաղութեան դիմաց» բանաձեւի, այլ փոխզիջումնային սկզբունքի հիման վրայ մինչ այդ օգտագործուող «տարածքներ կարգավիճակի դիմաց» քննարկուող տարբերակի մասին: Այդ պարագային ան ամփոփ ձեւով ակնարկած կ'ըլլար մատրիտեան (թէկուզ նորացուած) սկզբունքներուն, որոնց շուրջ քննարկումներ ծաւալելու միջնորդական առաքելութիւնը կ'իրականացնէր նաեւ Ուաշինկթընը՝ Փարիզի եւ Մոսկուայի կողքին:

Պէտք է յետադարձ հայեացքով որոնել, թէ վերջին անգամ ԵԱՀԿ-ի Մինսքի խմբակը ե՞րբ օգտագործած է «գրաւեալ» բառակապակցութիւնը՝ իրողապէս արցախապատկան տարածքները բնութագրելու համար:

Դեսպան Միլզը պիտի իմանար մանաւանդ, որ մինչեւ այս պահը, յատկապէս ապրիլեան ազրպէյճանական յարձակողապաշտութեան պատճառով սառեցուած են բովանդակային բանակցութիւնները եւ նոյնիսքն ԵԱՀԿ-ի Մինսքի խմբակով բանակցութիւնները կեդրոնացած են հրադադարի երաշխաւորման համար շփման գիծը վերահսկելի դարձնելու, զայն մշտադիտարկման գործողութիւններու համար յազեցած գործիքակազմով օժտելու եւ անոնցմէ անդին՝ հրադադարի խախտումի դէպքերը հետաքննելու առաջադրանքներուն վրայ: Այս բոլորը թէ՛ Վիեննայի, թէ՛ Ս. Փեթերզպուրկի եւ թէ՛ Ժնևի մէջ:

Ամերիկացի պաշտօնաթող դիւանագէտը այս բոլորին իրազեկ է. մանաւանդ որ ինք նախքան երեսնեան իր առաքելութեան ստանձնումը դեկավարած է ամերիկեան արտաքին քաղաքականութեան կովկասեան բաժանմունքը՝ Լիբանանի մէջ փոխդեսպանի պաշտօնը ստանձնելէն առաջ:

Իրազեկ էր, բայց թոյլ տուած է դիւանագիտական ասպարէզի լրջագոյն խախտում: Այլ տրամաբանութեամբ եւ այլ հարցով, ոչ շատ կանուխ ժամանակին, Երեսնի մէջ պաշտօնավարած ամերիկացի դեսպան Էվընզը, պաշտօնաթողութեան նախօրեակին Յեղասպանութիւն բառերի օգտագործումով շեղում կատարեց իր ներկայացուցած պետութեան արտաքին քաղաքականութեան հայեցակարգային մօտեցումներէն: Ըստ էութեան այդ յայտարարութիւնը պատճառ դարձաւ անոր պաշտօնազրկման:

Ուաշինկթընը այս առումով հետեւողականութիւն դրսևորելու եւ արժեչափի բազմակիտութիւն բացառելու հրամայականին դիմաց է:

«Ա.»

**ՀԱՐՅԱԶՐՈՅՑ**

**«Միջին Արևելքի Դատարկուող Հայ Գաղութն Ու Դրա Դեմ Պայքարող Լիբանանահայ Գործիչների Առաջնահերթությունը՝ Հայաստան» Յակոբ Բագրատունի**

Ստորև կը ներկայացնենք Քանադայի մեր պաշտօնակից «Նորանոր» թերթին հարցազրույցը ՀՅԴ Լիբանանի Կենտրոնական կոմիտեի ներկայացուցիչ, երեսփոխան Յակոբ Բագրատունիի հետ:

Քանադա տեղափոխուող հայերի թին օրեցօր աճում է, ու ոչ միայն Հայաստանից գաղթածների, այլև՝ սիրիահայերի, ինչո՞ւ ոչ, նաև Միջին Արևելքի այլ գաղութներից եկածների հաշուին: Իրավիճակը մտահոգող է այնպիսի գաղութի համար, ինչպիսին է Միջին Արևելքի համայնքը՝ իր աշխարհագրական դիրքի ազդեցությամբ, հարիւրամեակի ընթացքում ձեւաւորուած աւանդոյթներով ու ստեղծած հարուստ ժառանգութեամբ: Այս ամէնն այսօր գոյութեան լուրջ խնդրի առջեւ է գտնուում:



Լիբանանահայ պատգամաւոր, ՀՅԴ Լիբանանի Կենտրոնական կոմիտեի ներկայացուցիչ, Լիբանանի քաղաքական կեանքում ազդեցիկ դեր ունեցող գործիչ Յակոբ Բագրատունին «Նորանոր»-ին հետ զրոյցում անդրադարձել է Միջին Արևելքի հայ համայնքի խնդիրներին:

*ՆՈՐԱՆՈՐ.- Պարո՞ն Բագրատունի, ի՞նչ մարտահրաւերների առջեւ է գտնուում Միջին Արևելքի հայ գաղութը: Ինչպիսի՞ ռիսքեր էք տեսնում այսօր, երբ Թուրքիան փորձում է թուրքական արհեստական գաղութներ հիմնել տարբեր երկրներում, իսկ Միջին Արևելքը կորցնում է իր հարիւրամեայ համայնքը:*

**ՅԱԿՈԲ ԲԱԳՐԱՏՈՒՆԻ.-** Բնականաբար կարելի չէ ըսել, որ Միջին Արևելքի հայութիւնը չի ազդուում Միջին Արևելքը տագնապեցնող զանազան խնդիրներից, աւելի վաղ Իրանի դէպքերը, Միրիայում, Իրաքում կատարուած իրադարձութիւնները, շատ աւելի հին ժամանակներում Եգիպտոսում եղած դէպքերը, հիմա էլ Միրիայի տագնապը բնական պատճառներ էին, որոնց հետեւանքով տուեալ վայրերում բնակող հայերը արտագաղթեցին այս երկրներից: Դժբախտաբար, անցնող ժամանակներում, երբ տակաւին մեր հայրենիքն անկախ չէր, ներգաղթի հսկայ հոսքն ուղղուած էր դէպի Արեւմուտք: Հիմա որ մենք ունինք մեր Հայաստանը, մեր առաջնահերթութիւնն է, որ եթէ ամէն պարագայի հայ մարդը պիտի ձգէ իր միջինարեւելեան գաղութը, անպայման պէտք է ուղղուի դէպի Հայաստան, բայց դժբախտաբար դա էլ չիրականացաւ ըստ արժանւոյն: Միրիահայերի որոշ մասը միայն Հայաստան ուղղուեց, դժբախտաբար նաև ոմանք Հայաստանից էլ արտագաղթեցին դէպի Արեւմուտք՝ օգտուելով հայաստանեան քաղաքացիութիւն ստացած լինելու ընձեռած կարելիութիւնից:



Ինձ համար Միջին Արևելքը մնում է հիմնական տարածաշրջան՝ իբրև Թուրքիայի սահմանամերձ շրջան, եւ ամէն ջանք պէտք է թափել, որ հայութիւնը Թուրքիայի սահմանամերձ շրջաններից չհեռանայ: Թուրքիան Օսմանեան կայսրութեան օրերին եւ այնուհետեւ տարբեր բանակցութիւնների կամ դաշինքների ընթացքում փորձեց հայութիւնը դուրս բերել իր սահմանամերձ շրջաններից, լինի դա Միրիայի կամ այլ շրջանի մէջ. այդ մէկը այսօր բնական ընթացքով միջինարեւելեան տագնապի

ընթացքում իրականանում է: Անհրաժեշտ է, որ իւրաքանչիւր շրջանի պատասխանատու՝ ազգային վարչութիւններ, կուսակցութիւններ, ինչո՞ւ չէ, նաեւ Հայաստանում աշխատանք տանեն, որ այս գաղութները շարունակեն մնալ, վնասագերծել առաւելագոյն չափով այդ գաղութները՝ օժանդակութիւն տրամադրելով, հայր այդ շրջանում պահելով:

Այս դէպքերը կարող են հանդարտուել եւ անպայման հանդարտուելու են, որեւէ հայութեան զանգուած մնալու է այս երկրներում, հետեւաբար անհրաժեշտ է, որ ճիգ չխնայեն, որպէսզի մնան կազմակերպուած, մնան բարօր, որովհետեւ այդ համայնքների գոյութիւնը նպաստելու է սփիւռքահայութեան հզօրացման, նպաստելու է Հայաստանի հայութեան հզօրացման:

*Ն.- Դա նաեւ յօգուտ Հայկական հարցի, Հայոց ցեղասպանութեան ճանաչման եւ այլ գործընթացների՞ է միջազգային ասպարէզում: Այդ իմաստով, ինչպէ՞ս էք գնահատում մեր դիրքերը, եւ դրանց թուլացումը ինչի՞ կը յանգեցնի:*

Յ. Բ.- Միջինարեւելեան գաղութներն այն գաղութներն են, ուր հայապահպանումը մեծ տոկոս է կազմում, հայապահպանման մարտահրաւերները եթէ համեմատենք, Միջին Արեւելքի գաղութներում հայր հայ մնալու հնարաւորութիւնները շատ աւելի մեծ են, քան՝ արեւմտեան գաղութներում: Ես չեմ խօսում հայերէնով արտայայտուելու կամ լաւ հայոց պատմութիւն իմանալու մասին, այլ՝ համախումբ հայութիւն ապրելու, աշխարհագրական տարածքի փոքր լինելը, գաղութային կեանքի աշխուժ լինելը: Սրանք նախադրեալներ են, որոնք օգտակար են հայապահպանման իմաստով, երբ որ հայապահպան այդ գաղութները շարունակում են գոյատեւել, սա նշանակում է, որ Հայ դատի ըմբռնողութիւնը, Հայաստանի հետ կապուածութիւնը շատ աւելի զօրաւոր է մնում՝ անկախ նրանից, որ արեւմտեան գաղութներում՝ Ամերիկա կամ Քանադա, շարունակում է ազգային, հասարակական, մշակութային գործունէութիւնը, բայց, միջին հաշուով, միջինարեւելեան գաղութները սահմանամերձ են Թուրքիային եւ Հայաստանին մօտ են, այս նախադրեալը շատ անհրաժեշտ է, որ նկատի ունենանք: Երկրորդը համախումբ ապրելու իրողութիւնն է, այսինքն երբ խօսում ենք, օրինակ, Լիբանանի մասին, որ 10452 քառակուսի քմ է, հոն 120.000 հայութիւն է ապրում, տարբեր համեմատութիւններ կան, երբ խօսում ենք Միացեալ Նահանգների հսկայական տարածքի մասին, ուր հայութեան թիւը կարող է 1 կամ 1,5 միլիոն լինել, սակայն, խտութեան իմաստով, այնքան հեռու են միմեանցից, որ հաւաքական կեանքը հնարաւոր չէ ապրեցնել:

Բնական է, որ արեւմտեան միջավայրի մէջ Հայ դատի դիւանագիտական գործունէութիւնը առաւել տեղ ունի, մեր գործընկերները արեւմտեան աշխարհի մէջ շատ աւելի լայն

կարելիություններ ունեն, ինչ վերաբերում է Հայ դատի, Ցեղասպանության միջազգային ճանաչման: Միջին Արեւելքի երկրներում՝ արաբական, իսլամական աշխարհում, հայության գոյությունը Հայ դատի օգտակարության իմաստով տարբեր բնոյթ ունի, խիտ շարքերը, կազմակերպուած լինելը, մարդուժ ունենալը, հայապահպանման ուժը, հայը հայ պահելու պայքարը, ինչպէս նաեւ անմիջական կերպով Թուրքիային սահմանամերձ լինելը առաւելություններ են: Այդ մարդկային դրամագլուխներին, առանց որին, թէկուզ եւ հակաքարոզչութիւն կարողանայ անել Արեւմուտքին, թէկուզ եթէ Ցեղասպանության ճանաչման աշխատանքն անենք, առանց Միջին Արեւելքի հայ գաղութների՝ արգասաւոր չի լինի: Ես կարծում եմ, թէ հսկայական զօրաւոր երկար շղթայի տարբեր օղակներն ենք Արեւմուտքը, Միջին Արեւելքը, եւ դրան ամենամեծ զօրաւոր ագուցող օղակն էլ Հայաստանն ու Արցախն են:

*Ն.- Այդ ուղղութեամբ ի՞նչ անելիքներ էք տեսնում: Որպէս հայ պատգամաւոր՝ ունե՞ք կամ տեսնո՞ւմ էք առաջիկայ տարիների համար այն ծրագրերը, որոնք կը նպաստեն գաղութի ամրապնդման:*

Յ. Բ.- Անկախ ամենօրեայ աշխատանքներից, որ կատարում է, որը մեզ համար այլեւս ամենօրեայ կեանք է՝ դպրոց, ակումբ, եկեղեցի եւ այլն, մենք եւ մեր կուսակցութիւնն օրինակի համար, երկու տարի արդէն հիմնադրամներ հաստատած ենք, հայ երիտասարդը երբ հայ աղջկայ հետ է ամուսնանում, եկեղեցական պսակի ծախսերը, երեխայի մկրտութեան ծախսերն ենք վճարում, երբ երրորդ զուակն է ունենում, 2000 տոլար ենք նուիրում, կրթական ֆոնտ հաստատեցինք, որ հայկական վարժարաններից իւրաքանչիւր շրջանաւարտ, որ Լիբանանում համալսարան է գնում, կրթական գումար է ստանում: Կայ նաեւ այն, ինչ որ կատարում ենք ընկերային իմաստով. գիտէք, Լիբանանում պետական միջոցները այնքան լայն չեն, եւ մենք պարտաւորուած ենք զգում ընկերային ծառայութիւն կատարել, հիւանդանոցային ծախսերին մասնակցենք, տան վարձերը վճարենք, անապահով ընտանիքներին օգտակար լինենք, որպէսզի հայը մնայ Լիբանանում, բայց այն պարագայում, երբ հայը որոշում է գաղթել, մեզ համար կարմիր գիծ է, որ նա ներգաղթի Հայաստան:

*Ն.- Ինչպիսի՞ հեռանկար էք տեսնում եղածը պահպանելու ջանքե՞ր, թէ՞ զարգացման ծրագրեր:*

Յ. Բ.- Բնական է, որ գործն սկսւում է եղածը պահելով, եւ եղածի վրայ աւելացնելով: Ինչքան կարող ենք, նոր ներդրումներ կատարենք, նիւթական իմաստով յաւելեալ ներդրումներ յատկացնենք: Լիբանանում համայնքը պետականօրէն ճանաչուած համայնք է, Լիբանանի քաղաքական վիճակն այնպիսին է, Սահմանադրութիւնն այնպիսին է, որ համայնքային իրաւունքներ գոյութիւն ունեն, լինի պետութեան առաջին կարգի պաշտօնեաների մօտ, լինի բանակի մէջ, լինի դիւանագիտական մարմինների մէջ, լինի կառավարութեան կազմի, խորհրդարանի մէջ: Լիբանանում ՀՅԴ-ն, անկախ գաղութ լինելուց, նաեւ քաղաքական ներկայութիւն է: Շատ կարեւոր է թէ՛ Միջին Արեւելքի համար, թէ՛ նաեւ Հայաստանի եւ Արցախի համար:

[www.aztarar.com](http://www.aztarar.com)

ԼՈՒՐԵՐ ԳԱՂՈՒԹՆԵՐԷՆ

**Լինեթ Իսրայելեանի Եւ Փաթիլ Հարպոյեանի  
«Միւզիք Տը Ֆիլմ Է Տը Պալէ» Ելոյթը**

Վերջերս Մոնրէալի «Թէաթր Պոպուա» թատերասրահին մէջ տեղի ունեցաւ քանատահայ ջութակահար Լինեթ Իսրայելեանի «Միւզիք տը ֆիլմ տը պալէ» խորագիրով ելոյթը՝ ընկերակցութեամբ դաշնակահար Փաթիլ Հարպոյեանի:



Ֆրանսերէնով եւ անգլերէնով բարի գալուստի խօսքէն ետք, բեմավարը բեմ հրաւիրեց երկու արուեստագէտները, որոնք հերթաբար ներկայացուցին Վիթթորիօ Մոնթիէն, Ճան Ուիլիըմզէն, Քարլոս Էլաթա Ալմարանէն, Մորիքոնէն, Հարըլտ Արլենէն, Անտրու Ուեպըրէն, Հանս Զիմըրէն եւ Շարլ Ագնաուրէն կտորներ: Զուգանուագին կը նախորդէին երաժիշտին եւ ներկայացուելիք կտորին մասին կարճ տեղեկութիւններ, եւ կտորին զուգընթաց, կը ցուցադրուէր տեսերիզ մը՝ կտորին հեղինակ երաժիշտին մասին կամ առնչուած ժապաւենէն պատկերներով, ինչպէս նաեւ՝ երեւակայութեան, միտքի ու հոգիի թռիչք տուող եւ նուագներուն համապատասխանող բնութեան պատկերներով, նաեւ՝ Մարիա Ալփինի պալէի մենապարով:

Կարճ դադարէն ետք երկու արուեստագէտները ներկայացուցին Քամիլ Սեն Սանսի, Արամ Խաչատրեանի, Կոմիտասի, Քարլոս Կարտելի, Փիացոլլայի, Անժել Վիլլոտոյի եւ Ճան Ուիլիըմզի հեղինակած երաժշտութիւններէն կտորներ: Յայտագիրի այս բաժինին մէջ եւս տեսերիզի ցուցադրութիւնները շարունակուեցան հայկական կտորներու ներկայացման ընթացքին հայրենի երկրի բնութեան պատկերներով, գեղանկարիչ Արեգ Էլիբէկեանի գծագրութիւններով, Մեղեղի Աղուրեանի մենապարով եւ թանկոյի պարային մասնակցութեամբ:

**[www.aztagdaily.com](http://www.aztagdaily.com)**

## Համազգայինի Հիմնադրության 90-ամեակի Նշում

7 Հոկտեմբերին Փարիզի 9-րդ թաղամասի «Ռոսինի» սրահին մեջ երգահանդեսով մը նշուեցաւ Համազգայինի հիմնադրութեան 90-ամեակը: Ձեռնարկին բացումը կատարեց Հուրիկ Պաղտասարեանը, որ շեշտեց լեզուի կարեւորութիւնը եւ անոր պահպանումը,



որ հիմնական նպատակը եղած է Համազգայինի հիմնադիրներուն:

Ներկայացուեցան հայերէն դասական երգեր եւ երաժշտութիւն:

Ելոյթ ունեցան՝ Ռոզիկ Թաշճեանը (սոփրանօ), Կարինէ Պետրոսեանը (դաշնակ), Մկրտիչ Մկրտիչեանը (պարիթօն), Իվոն Պոնիֆասը (պաս), Ժերոմ Վերեքքիան (երգ), Տոմինիք Սըվէին (դաշնակ):

Արուեստագէտները մեկնաբանեցին՝ Տիգրան Չուխաճեանի, Սայաթ Նովայի, Ռոմանոս Մելիքեանի, Աշոտ Սաթեանի, Արամ Սաթունցի, Աննօ Բաբաջանեանի, Վաղարշակ Կոտոյեանի, Ստեփան Ջրբաշեանի, Կոմիտասի, Անտոն Մայիլեանի, Ալեքսանդր Դուլովսանեանի յօրինումները, որոնց զուգահեռ պաստառի վրայ ցուցադրուեցան անոնց նկարները:

Յայտագիրը փակուեցաւ Շարլ Ազնաւուրի երկու երգերով:

## Արցախի Նուիրուած 3-րդ Բարեգործական Դաշտահանդէպ

Նոր Ջուղայի Հայ կանանց գրութեան եւ Նոր Ջուղայի ՀՄՄ «Արարատ» միութիւններու միացեալ նախաձեռնութեամբ 4 Հոկտեմբերին «Արարատ» միութեան շրջափակին մէջ տեղի ունեցաւ Արցախի նուիրուած 3-րդ բարեգործական դաշտահանդէպ:



Նախատեսուած էին՝ մանկական ձեռարուեստի եւ խաղերու կրպակներ, չափահասներու համար խաղեր եւ զբաղումներ, վիճակախաղեր, երաժշտութիւն, նաեւ կը վաճառուէին ասանդակական ճաշատեսակներ եւ զանազան ուտելիքներ:

Հարկ է նշել, որ ինչպէս նախորդ տարիներուն, այն ծրագրի հասոյթը նոյնպէս պիտի յատկացուի արցախահայութեան օժանդակելու աշխատանքներուն:

## Հայոց Այբուբենին Նուիրուած Յուշարձան



Ուքրանիոյ Չապորոժիէ քաղաքին մէջ իրականացուող Հայկական մշակոյթի օրերու ծիրին մէջ, հայկական եկեղեցւոյ տարածքին, տեղի ունեցաւ հայոց այբուբենին նուիրուած յուշարձանի բացում, որ կը հանդիսանայ Հայաստանէն դուրս գտնուող ամենամեծ յուշարձաններէն մէկը՝ նուիրուած հայոց այբուբենին:

Բացման հանդիսաւոր արարողութեան ներկայ էին Չապորոժիէի մարզպետ Կոնստանթին Պրիլը, Ուքրանիոյ Հայերու միութեան գործադիր տնօրէն Յովակիմ Յարութիւնեանը, Չապորոժիէի շրջանի հայերու միութեան նախագահ Արտաշէս Մարգիսեանը, Հայ առաքելական եկեղեցւոյ Ուքրանիոյ հայոց թեմի առաջնորդ Մարկոս եպս. Յովհաննիսեանը:

Ուքրանիոյ Հայերու միութեան նախագահ Վիլէն Շատուրեանի անունով միութեան գործադիր տնօրէն Յովակիմ Յարութիւնեանը շնորհաւորեց հայ մշակոյթի կարելոր եւ վառ խորհրդանիշներէն մէկուն բացման արարողութիւնը, որ իր տեսակով միակն է Ուքրանիոյ տարածքին:



Քուէյթի Սրբոց Վարդանանց Եկեկեցոյ  
Եկեղեցասիրաց Տիկնանց Յանձնախումբը  
կը հրաւիրէ ձեզ

## «Միրոյ Ճաշ» -ի

Ուրբաթ, 2 Նոյեմբեր 2018-ին,  
Ս. Պատարագէն անմիջապէս ետք,  
Եկեղեցոյ ներքնասրահէն ներս:

Օրուան ճաշն է

## Սմբուկով Խորոված

ԵՒ

## Զի-Քիւֆթէ

(հումշաղ)



Եկէք եւ համադրամ ճաշին առընթեր  
վայելեցէք մտերմիկ եւ հաճելի մթնոլորտ:

Տոմսերը ապահովելու համար դիմել հետեւեալ տիկիներուն

Յուլիկ Գոլանճեան----- 97803972

Միլվա Քասունի ----- 97566356

Լուսիկ Թէմամեան ---- 99590172

Ծանօթ:

- Տոմսերուն սակն է 5 ՔՏ
- Փոքրիկներուն համար պիտի վաճառուի յատուկ ճաշ (Sandwich)

## ԱՅԼԱԶԱՆ

# Ի՞նչ Բաներ Կարելի Զէ Ընել Երեխայի Ներկայութեան

Եկեք՝ համաձայնիք, եթէ կ'ուզենք ճիշդ երեխայ դաստիարակել, նախ եւ առաջ մենք մեզ դաստիարակենք: Մեր առօրեայ ընթացքով օրինակ ծառայենք անոր եւ չընենք ու չըսենք այն, ինչ որ կ'արգիլենք անոր:

Մտորել՝ կենդանի օրինակներ:

## Անընդհատ Զբաղիլ Բջիջայինով, Համակարգիչով

«Համակարգիչը կը վնասէ տեսողութեանդ, դասերուդ, քունիդ...», այս խօսքով կ'ուզէք զգուշացնել ձեր երեխան եւ անոր վարժեցնել բջիջայինի եւ համակարգիչի «չափաւոր» գործածութեան, բայց անդին՝ դուք ժամերով թաղուած էք այս կամ այն ելեկտրոնային գործիքին մէջ՝ բարեկամներու հետ հաղորդակցելու, Դիմատետրի վրայ մնայուն ներկայութիւն ապահովելու եւ կամ խաղեր խաղալու համար:

Ձեր երեխան վստահաբար պիտի չհասկնայ եւ պիտի չընդունի, թէ ինչո՞ւ իրեն արգիլուած է, իսկ ծնողքին՝ ո՛չ:

\*\*\*

## Հարցականի Տակ Առնել Հօր Կամ Մօր Խօսքը

Դուք դիտողութիւն կ'ընէք ձեր զակին, իսկ ձեր ամուսինը կը պաշտպանէ զայն (եւ կամ՝ հակառակը):

Հոգեբանները կը թելադրեն, որ նման կացութեան մը դիմաց ծնողներէն մէկն ու մէկը պէտք է լռէ եւ երեխային բացակայութեան միայն քննարկուի տուեալ կացութիւնը:

\*\*\*

## Անպատշաճ Խօսքեր Արտասանել

Երեխան կը սորվի իր ծնողներէն: Կ'ուզէ՞ք, որ ձեր զակը խօսի անպատշաճ բառերով. եթէ ոչ, ուրեմն վերատեսութեան ենթարկեցէք ձեր բառապաշարը:

\*\*\*

## Գոռալ Եւ Վիճիլ

Վեճերին խուսափելը գրեթե անհնար է: Մակայն հոգեբանները կը պնդեն, որ ծնողներուն վեճերը շատ վատ կ'ազդեն երեխային հոգեվիճակին վրայ, հետեւաբար տան մէջ փորձեցէք ձեր հարցերը լուծել խաղաղ ճամբով, առնուազն՝ առանց գոռալու, հայհոյելու եւ զիրար վիրաւորելու:

\*\*\*

## Քննարկել Եւ Քննադատել Ուրիշները

Բոլորս ալ հակամէտ ենք քննադատելու այս կամ այն գործընկերը, դրացին, ուսուցչուհին կամ մինչեւ իսկ՝ մօտիկ բարեկամը: Բամբասանքն ու քննադատութիւնը առհասարակ յոռի սովորութիւններ են, հրաժարեցէք ասոնցմէ, առաւել եւս՝ երեխային ներկայութեան:

\*\*\*

## Վատ Սովորութիւններ

Եթէ դուք կը ծխէք, երեխայէն մի՛ պահանջէք, որ ան չծխէ, անոր անհնար է բացատրել, որ ծխելը վտանգաւոր է առողջութեան, եթէ դուք օրական կը վտանգէք ձեր կեանքը: Եթէ ծխախոտի կախումածութիւն ունիք, այդ մասին գոնէ երեխան պէտք չէ իմանայ:

\*\*\*

## Ստել

Ծնողները երեխային համար հեղինակութիւն են:

Պզտիկ սուտի մը բացայայտումը կրնայ խաթարել այդ վստահութիւնը: Մի՛ ստէք երեխային, եթէ չէք ուզեր, որ հետագային ան ստէ ձեզի:

\*\*\*

## Օրէնքները Խախտել

Եթէ դուք երեխային ներկայութեան կը յարգէք երթելեկութեան կանոնները, ինքնաշարժին մէջ կը կապէք ամրագօտին, հանրային վայրերուն մէջ ձեր թաշկինակն ու ծխախոտը կը թափէք աղբամանին մէջ քաղաքացիի ձեր պարտաւորութիւնները կը կատարէք բժախնդրութեամբ, բնականաբար ան իր կարգին պիտի պահպանէ իրեն համար ճշդուած օրէնքները:



**ԳՐԱՒՈՒԱԾ ՕՐ**  
**30 ՆՈՅԵՄԲԵՐ 2018**



**FRIDAY NOVEMBER 30**  
**2018**

